

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆՈՒ**

«___» ապրիլի 2012թ.

N _____-Ա

ՈՐՈՇՈՒՄ

**ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ**

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2011 թվականի դեկտեմբերի 9-ի «Երևան քաղաքի սեփականություն համարվող գույքն օգտագործման տրամադրելու և օտարման 2012 թվականի ծրագրի վերաբերյալ» հ.345-Ն որոշմամբ հաստատված ծրագրի 3-րդ կետով՝

Երևան քաղաքի ավագանին որոշում է.

Թույլատրել Երևանի քաղաքապետին Բազրատունյաց պողոտայի հ.35 շենքի հ.18 բնակարանի Երևան համայնքին սեփականության իրավունքով պատկանող 1/4 բաժնեմասը (անշարժ գույքի սեփականության (օգտագործման) իրավունքի գրանցման 01.12.2011թ. հ.2848528 վկայական) սեփականության իրավունքով անհատույց օտարել (նվիրել) Ջուլիետա Միրզոյանին և Կարեն Խաչատրյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք – Հ Ի Մ Ն Ա Վ Ո Ր ՈՒ Մ

«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Բազրատունյաց պողոտայի հ.35 շենքի հ.18 բնակարանը հանդիսացել է Ջուլիետա Միրզոյանի, նրա մոր՝ Աղավնի Գաբրիելյանի, վերջինիս ամուսնու՝ Լեոնիդ Ասատրյանի և Ջ.Միրզոյանի որդու՝ Կարեն Խաչատրյանի ընդհանուր բաժնային սեփականությունը (անշարժ գույքի սեփականության (օգտագործման) իրավունքի գրանցման 22.03.2006թ. հ.1996472 վկայական):

Համաձայն Ջուլիետա Միրզոյանի դիմումի, Բազրատունյաց պողոտայի 35 շենքի հ.18 բնակարանն ի սկզբանե պատկանել է Ջուլիետա Միրզոյանի ամուսնուն: Ելնելով այն հանգամանքից, որ Լ.Ասատրյանը չի ունեցել բնակվելու և հաշվառվելու վայր, հաշվառվել է Բազրատունյաց պողոտայի հ.35 շենքի հ.18 բնակարանում և մասնակցել է բնակարանի սեփականաշնորհմանը:

ՀՀ քաղաքացիական օրենսգրքի 1184 հոդվածի համաձայն, ժառանգության դեպքում մահացածի գույքը (ժառանգությունը) անփոփոխ վիճակում, որպես միասնական ամբողջություն, անցնում է այլ անձանց, իսկ 1185 հոդվածի համաձայն ժառանգությունը կատարվում է ըստ կտակի և ըստ օրենքի: Ժառանգությունը կատարվում է ըստ օրենքի, եթե չկա կտակ, կամ դրանում սահմանված չէ ամբողջ ժառանգության ճակատագիրը, ինչպես նաև ՀՀ քաղաքացիական օրենսգրքով սահմանված այլ դեպքերում:

Տվյալ դեպքում Աղավնի Գաբրիելյանը մահացել է 2002 թվականի հուլիսի 14-ին և նշված բնակարանի նրան պատկանող բաժնեմասը ժառանգաբար փոխանցվել է վերջինիս աղջկան՝ Ջուլիետա Միրզոյանին, իսկ Լեոնիդ Ասատրյանը մահացել է 2007թ. հունվարի 21-ին և չունի ոչ ըստ կտակի և ոչ էլ ըստ օրենքի ժառանգներ: Լ.Ասատրյանի մահվան հետ կապված ծախսերը հոգացել և հուղարկավորությունը կատարվել է Ջուլիետա Միրզոյանի միջոցներով:

Քանի որ բացակայում է Ջուլիետա Միրզոյանի և ժառանգատուի ազգակցական կապը հաստատող որևէ ապացույց, հետևաբար Բազրատունյաց պողոտայի հ.35 շենքի հ.18 բնակարանի Լեոնիդ Ասատրյանին պատկանող բաժնեմասը հանդիսացել է անժառանգ գույք, որի նկատմամբ Երևան համայնքը ձեռք է բերել սեփականության իրավունք (հիմք՝ անշարժ գույքի սեփականության իրավունքի գրանցման 01.12.2011թ. հ.2848528 վկայականը):

Համաձայն Շենգավիթ վարչական շրջանի 27.02.2012թ. հ.22/01-898ԷԼ-379 գրության, Բազրատունյաց պողոտայի հ.35 շենքի հ.18 բնակարանում ներկայումս բնակվում են 5 անձ՝ Ջուլիետա Միրզոյանը, Կարեն Խաչատրյանը (Ջուլիետայի որդին), Կ. Խաչատրյանի կինը և երկու երեխաները: Բնակարանի ընդհանուր մակերեսը կազմում է 58.8քմ, բաղկացած է երկու սենյակից և չի առարկել Բազրատունյաց պողոտայի հ.35 շենքի հ.18 բնակարանը բնակարանի սեփականատերերին անհատույց օտարելու համար:

Հաշվի առնելով, որ Բազրատունյաց պողոտայի հ.35 շենքի հ.18 բնակարանի մյուս բաժնեմասի սեփականատերեր են հանդիսանում Ջուլիետա Միրզոյանը և Կարեն Խաչատրյանը «Երևան համայնքի սեփականություն համարվող բնակարանն անհատույց օտարելու մասին» Երևան քաղաքի ավագանու որոշման ընդունումը պայմանավորված է հարցի կարգավորման անհրաժեշտությամբ:

Տ Ե Ղ Ե Կ Ա Ն Ք

**«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՍ ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարան անհատույց օտարելու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարան անհատույց օտարելու մասին» որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ